







後部家卷之七

中州雜錄 卷之七 湖南後學陶

男婦

男婦

啓家小兒語

四言

當面說人話休嫌嘴甜是你口愛你閉氣○一

切莫在人前交交洋洋上羞凡語只在低低○況

人前交交洋洋上羞凡語只在低低○況







穀詒彙卷之七



中州漁隱呂得勝著

滇南後學陶

珙訂

男坤續

男以式鑄督梓

啓蒙小兒語

四言

當面說人話。休峻厲。誰是你兒。受你閒氣。○一  
切言動。都要安詳。十差九錯。只爲慌張。○沉靜  
立身。從容說話。不要輕薄。惹人笑罵。○要成好



人須尋好友。引酵若酸。那得甜酒。○寧好認錯。  
休要說謊。教人識破。不當人養。○擔頭車尾。窮  
漢營生。日求升合。休與相爭。○先學耐煩。快休  
使氣。性燥心粗。一生不濟。○休訐人短。休呪人  
死。傷了人心。壞了性子。○能有幾句。見人胡講。  
洪鐘無聲。滿瓶不響。○自家過失。不消遮掩。遮  
掩不得。又添一短。○強取巧圖。只嫌不穀。橫來  
之物。要你承受。○無心之失。說開罷手。一差



錯。那個沒有。○世間生藝。要會二件。有時貧窮。  
救你患難。○與人講話。看人面色。意不相投。不  
須強說。○我打人還。自打幾下。我罵人還。換口  
自罵。○造言起事。誰不怕你。也要隄防。王法天  
理。○飽飯足衣。亂說閒耍。終日昏昏。不如牛馬。  
○當面證人。惹禍氣大。是與不是。盡他說罷。○  
既作生人。便有生理。個個安閒。誰養活你。

續四言



心要慈悲。事要方便。殘忍刻薄。惹人恨怨。○手  
下無能。從容調理。他若有才。不服事你。○遇事  
逢人。豁綽舒展。要看男兒。須先看膽。○休將實  
用。費在無功。蝙蝠翅兒。一般有風。○一不積財。  
二不結怨。睡也安然。走也方便。○要知親恩。看  
你兒郎。要求子順。先孝爺孃。○別人情性。與我  
一般。時時體悉。件件從寬。○都見面前。誰知腦  
後。笑着不覺。說着不受。○人誇偏喜。人勸偏惱。



你短你長。你心自曉。○卑幼不才。瞞避尊長。人笑罵。父母誇獎。○僕隸縱橫。誰向你說惡名。你受暗利他得。○從小做人。休壞一點。覆水難收。悔憾已晚。○貪財之人。至死不止。不義得來。付與敗子。○都要便宜。我得不。虧人是禍。虧已是福。○怪人休深。望人休過。省你開煩。免你暗禍。○正人君子。邪人不喜。你又惡他。他肯饒你。○好衣肥馬。喜氣揚揚。醉生夢死。誰家兒郎。



○今生用度。前生積下。今生用盡。來生乞化。○  
各人之情。各有所重。當體人心。休任己性。○人  
休趕上。勢休使老。半截漢子。光華多少。○無可  
奈何。須得安命。怨歎燥急。又增一病。○口腹小  
事。廉耻所存。切須忍已。休要羞人。○知是都知。  
能是誰能。休聽口說。只看躬行。○千說萬說。不  
如一默。能言巧言。何似三緘。○恩休自表。好休  
自題。桃李無言。下自成蹊。○讐無大小。只怕傷



心。恩若救急。一芥千金。○內要伶俐。外要癡騃。  
聰明逞盡。惹禍招災。○自家有過。人說要聽。當  
局者迷。旁觀者清。○丈夫一生。廉耻爲重。切莫  
求人。死生有命。○要甜先苦。要逸先勞。須屈得  
下。纔跳得高。○白日所爲。夜來省已。是惡當驚。  
是善當喜。○人譽我謙。又增一美。自誇自敗。還  
增一毀。○害與利隨。禍與福倚。只個平常。安穩  
到底。○怒多橫語。喜多狂言。一時褊急。過後羞



慚○人生在世守身實難。一味小心。方保百年。  
○慕貴耻貧。志趨落羣。驚奇駭異。見識不濟。○  
心不顧身。口不顧腹。人生實難。何苦縱欲。○纔  
說聰明。便有障蔽。不着學識。到底不濟。○威震  
四海。勇冠三軍。只沒本事。降伏自心。○矮人駭  
笑。下士塗說。學者識見。要從心得。○讀聖賢書。  
字字體驗。口耳之學。夢中喫飯。○越嬌越脆。越  
潑越壯。舟子河邊。胡兒馬上。○男兒事業。經綸



天下識見要高。規模要大。○待人要豐。自奉要  
約。責己要厚。責人要薄。○一飯爲恩。千金爲讐。  
博極成喜。愛極成愁。○鼯鼠殺象。蜈蚣殺龍。蟻  
穴破隄。螻孔崩城。○意念深沉。言辭安定。艱大  
獨當。聲色不動。○相彼兒曹。乍悲乍喜。小事張  
皇。驚動鄰里。○分卑氣高。能薄欲大。中淺外浮。  
十人九敗。○當窮便窮。該死就死。只休溺愛。這  
個身子。○坐井觀天。面墻定路。遠大事業。休與



共做。○冷眼觀人。冷耳聽語。冷情當感。冷心思  
理。○理可理度。事有事體。只要留心。切莫任已。

### 六言

蜂蛾也害饑寒。螻蟻都知疼痛。誰不怕死求活。  
休要殺生害命。○自家認了不是。人再不好說  
你。自家倒在地下。人再不好跌你。○風漢赤身  
上屋。見人擔他口咬。迷人任意胡行。聽的勸說  
偏惱。○世間第一好事。莫如救難憐貧。人若不



遭天禍。舍施能費幽文。○乞兒口乾力盡。終日  
不得一錢。敗子羹肉滿桌。喫着只恨不甜。○萬  
愛千恩百苦。疼我孰如父母。却教惹怒生嗔。只  
是我不成人。○兒小任情驕慣。大來負了親心。  
費盡千辛萬苦。分明養個讐人。○打一下兒偏  
疼。說一句兒偏怨。口裏一個嬌兒。送在殺場乾  
看。○道理些些不曉。事情件件不明。睜眼伸頸  
勁強。可憐也活一生。○有理從容慢說。何須着



急發暴。無理只憑惡做。分明一箇強盜。○氣惱  
他家富貴。暢快人有災殃。一些不由自己。可惜  
壞了心腸。

續六言

修寺將佛打點。燒錢買免神明。災來鬼也難躲。  
爲惡天自不容。○耳目受用一千。身子受用一  
百。到頭身子饑寒。耳目顧你不得。○明理莫如  
讀經。省事須當讀史。生兒見書如讐。不如生個



瞎子。○貧時悵望糟糠。富日嬌嫌甘旨。天心難  
可人心。那個知足餓死。○苦甜下咽不覺。是苦  
出口難收。可憐八尺身命。死生一任舌頭。○因  
循惰慢之人。偏會引說天命。一年不務農桑。一  
年忍饑受凍。○天公不要房住。神道不少衣穿。  
強似將佛塑畫。不如救些貧難。○世上三不過  
意。王法天理人情。這個全然不顧。此身到處難  
存。○責人絲髮皆非。辨已分毫都是。盜蹠千古



元兇盜賊何曾覺自。○柳巷風流地獄。花叢  
粉刀山。喪了身家行止。落人下眼相看。○只管  
你家門戶。休說別個女妻。第一傷天害理。好講  
閨門是非。○人悔不要埋怨。人羞不要數說。人  
極不要根尋。人愁不要喜悅。○大凡做一件事。  
就要當一件事。若還苟且粗疎。定不成一件事。  
○少年肆志心狂。長者之言偏惱。你到長者之  
時。一生悔恨不了。○改節莫云舊善。自新休問



昔狂貞婦白頭失守。不如老妓從良。○自家痛  
癢偏知。別個辛酸那覺。體人須要體悉。責人慎  
勿責苛。○沉重有德君子。輕薄無知狂童。任你  
幾多學識。何如才美周公。○快意從來沒好拂  
心。不是命窮。安樂人人破敗。憂勤個個亨通。○  
兒好何須父業。兒若不肖空積。不知教子一經。  
只要黃金滿室。○君子名利兩得。小人名利兩  
失。試看古往今來。惟有好人便益。○厚時說盡



知心。提防薄後發洩。惱時說盡傷心。再好有何  
顏色。○牀雖不高有跌。睡時仔細翻身。穩當莫  
如地舖。橫盤直妥從君。○事到延捱怕動。臨時  
却恁慌忙。除了差錯後悔。還落前件牽腸。○往  
日真知可惜。來日依舊因循。若肯當年一苦。無  
邊受用從今。○東家不信陰陽。西家專敬風水。  
禍福彼此一般。費了錢財不悔。○德行立身之  
本。才識處事所先。孟浪癡獸。只是空生人代。百



年。○謙卑何曾致禍。忍默沒個招災。厚積深藏。  
遠器輕發。小逞凡才。○儉用亦能穀用。要足何  
時是足。可憐惹禍傷身。都是經營長物。○未來  
難以預定。算穀到頭不穀。每事常餘二分。那有  
悔的時候。○渾厚寬洪君子。淺狹急燥凶人。要  
求動物濟事。還須易氣平心。○火正灼時都來。  
火一滅時都去。炎涼自是通情。我不關心去住。  
○何用終年講學。善惡個個分明。穩坐高談萬



里不如蹉跎一程。○只惡人生疥癬。忘我病入膏肓。試向倉公問疾。恐我不如伊行。○今日排場正生。明日排場花旦。去了脂粉衣裳。依舊本來身面。○宋朝高髻長裙。西施懸鬚曳屣。雙雙歌舞燈前。那個是男是女。○塵裏何曾孤識。閨中沒甚清言。試向旁邊冷覷。人生箇箇堪憐。○萬古此身難再。百年展眼光陰。縱不同流天地。也休斃了乾坤。○未來只憾來遲。過去偏嫌去。



速。虛花費盡實心。贏得旁人眼目。○金柱手摩  
日細。石欄綆鋸痕深。喜事多言好怒。那知暗損  
精神。○世上第一伶俐。莫如忍讓爲高。進屢結  
襪。胯下古今真正人豪。○學者三般緊要。一要  
降伏私欲。二要調馴氣質。三要跳脫習俗。○化  
子拾得一錢。喜得行歌獨笑。忽被原人認去。氣  
的拍心大叫。○百尺竿頭進步。鑽天巧智多才。  
饒你跼得脚穩。終然也要下來。○莫防外面刀



鎗。只怕隨身兵刃。七尺蓋世男兒。自殺只消三寸。

雜言

老子終日浮水。兒子做了溺鬼。老子偷瓜盜果。兒子殺人放火。○休着君子下看。休教婦女鄙賤。○事不干已。分毫休理。○只說孩兒還小。長大只休氣惱。○無子愁無子。有子愁到死。○人生喪家亡身。言語占了八分。○任你心術姦險。



噴瞞不過人眼。○使他不辨不難。要他心上無  
言。○人言未必皆真。聽言只聽三分。○休與小  
人爲讐。小人自有對頭。○幹事休傷天理。防備  
兒孫辱你。○走路休走擦。了說話休說發了。○  
你看人家婦女。眼裏偏好。人家看你婦女。你心  
偏惱。○惡名兒難揭。好字兒難得。○甚麼病兒。  
死不了人。甚麼禍兒。喪不了身。○大嚼多噎。大  
走多蹶。○爲人若肯學好。羞甚麼。擔柴賣草。爲



人若不學好。誇甚麼尚書閣老。

續雜言

創業就創乾淨。休替子孫留病。○寧少一食。休少一日。○聽的話兒。休傳。風聞那得實言。○童子進學。喜不了。尚書不陞。終日惱。○忙裏要斟酌。擔遲不擔錯。慌忙到不得濟。安詳走在頭地。○若要度量長。先學受冤枉。若要德業成。先學受困貧。若要無煩惱。惟有知足好。若要度量寬。



先學受懊煩。○十日無菽粟身亡。萬年無金珠  
何傷。○事只五分無悔。味只五分偏美。○話多  
不如話少。話少不如話好。○小辱不肯放下。惹  
起大辱到罷。○人無禮義。衣冠狗彘。○天來大  
功。禁不得一句自稱。天那大罪。禁不得雙膝下  
跪。○老來疾痛。都是壯時落的。衰後冤孽。都是  
盛時作的。○一爭兩醜。一讓兩有。○見了財物  
心喜。做賊從此做起。○見人忍默。傷欺忍默不



是癡的。○鳥獸無雜病。窮漢沒奇症。○儘穀只  
說不穀。橫受不如豎受。○酒色財氣。殺身四忌。  
○聞惡不可就惡。恐替別人洩怒。○休說前人  
長短。自家背後有眼。○濕時細就斷了約兒。不  
散。小時教成。歿了父兄不變。○說好話。存好心。  
行好事。近好人。○算計二着見在。纔得頭着不  
敗。○扮淨粧末。宜耍。君子戲謔不雅。○寧做麻  
中蓬。不做孤生松。○桃偶休憂土偶。禿人休笑



爲醜。○到頭勁掙不成。不如早做人情。到底躲  
捱不了。不如早動却好。○好名休要霸占。也須  
均些兒。惡名休要推辭。也須分些兒。○好面上  
炙個疤兒。一生帶破。白衣上點些墨兒。一生帶  
浣。○君子口裏沒亂道。不是人倫。是世教。君子  
脚跟沒亂行。不是規矩。是準繩。君子胸中所常  
體。不是人情。是天理。○恩怕先益後損。威怕先  
鬆後緊。○饑可使耐。飽可使再。○熱勿使汗冷。



勿使顫。○未饑先飯。未迫先便。○久立先養足。  
久夜先養目。○清心寡慾。不服四物。省事休嗔。  
不服四君。酒少飯淡。二陳沒幹。慎寒謹風。續命  
無功。○線流衝倒泰山。休爲惡事開端。○才多  
累了已身。地多好了別人。○白首貪得不了。一  
身能用多少。○趁心休要懽喜。災殃就在這裏。  
○休與衆人結讐。休作公論對頭。○良馬休撒  
手。熟人休撒口。○做第一等人。幹第一等事。說



第一等話。抱第一等識。○芳名今古流傳。帝王  
不如聖賢。○欺世瞞人都易。惟有此心難昧。○  
暗室雖是無人。自身怎見自身。○蘭芳不爲幽  
谷。君子不爲名修。○口門洩盡心機。心言無令  
口知。○觸龍耽怕。騎虎難下。○焚結碎環。這箇  
不難解。環破結當自有說。○處世怕有進氣。爲  
人怕有退氣。○母賤賤。母老老。母貧貧。母小小。  
○欲心要淡。道心要艷。○上看千仞。不如下看



一寸。前看百里。不如後看一鞭。○將溢未溢。莫  
添一滴。將折未折。莫添一掬。○不足休愁。有餘  
便憂。○萬丈陡巖風惡。山頭不如山脚。○正鵠  
終日招箭。在明不如在暗。○芳花嬌艷。松醜天  
濃不如淡久。○癡兒見多偏喜。不知多還累已。  
○餌食偏香。賺坑有羊。○回顧莫辭頻。前人怕  
後人。○窮易過。富莫享。寧受疼。莫受癢。○一向  
單衫耐得凍。乍脫綿襖凍成病。○辨者不停。訥



者若聾。辨者面赤。訥者屏息。辨者纔住。訥者一  
句。辨者自慚。訥者自謙。○聰明是你命苦。盜賊  
不恨聾瞽。○粘紙不用漆膠。殺虱不用鎗刀。○  
一子之母餘衣。三子之母忍饑。○怒他却是救  
他。薄他却是厚他。世情休說透了。世事休做  
過了。○盼望也不來。空勞盼望懷。愁懼也須  
去。多了一愁懼。○貪喫那一杯。把百杯都嘔  
了。捨不得一金。把千金都丟了。○舟行只似  
岼移。雲東



不是月西。○早行休要留戀。到晚不着村店。閑  
閑轉到忙忙。前長不如後長。○怪人休怪老了。  
愛人休愛惱了。○清晨好飯。算不得午後飽。平  
日恩多。抵不得臨時少。○禍到休愁。也要會救。  
福來不喜。也要會受。○不怕驟。只怕驟。○不怕  
一。只怕積。○聲休要太高。只是人聽得便了。事  
休要做盡。只是人當得便好。○要喫虧的是乖。  
占便宜的是猷。○人欺不是辱。人怕不是福。○




剛欲殺身不顧。柔欲殺身不悟。當遲就要寧耐。  
當速就要慷慨。

穀詒彙

穀詒彙卷之七







穀詒彙

陸平泉先生勸尋方便名言

人皆要便宜。我獨學喫虧。非人皆伶俐。非我獨  
呆痴。我便人不便。我宜人不宜。誰人肯喫虧。循  
環相報施。縱人不還報。彼蒼安能欺。我見便宜  
者。往往多喫虧。身命多短折。子孫隨式微。挾智  
逞詐術。乘權恣營爲。那知真冥中。盈滿禍相依。  
我見喫虧人。往往多便宜。長年無疾苦。奕世有



光輝。知白務守黑。知雄務守雌。那知真冥中。謙  
虛福所歸。使人乃自便。宜人迺自宜。喫虧反受  
益。虧人反自虧。嘆此喫虧法。貧賤當堅持。勤儉  
免凍餓。慎勿愛便宜。命緣本淺薄。積善天可移。  
若復造惡孽。凶禍當益滋。如彼富貴人。更須學  
喫虧。同生天地間。我獨享榮肥。須有大功德。可  
以留天禧。卽如尋常人。福澤難久居。况復愛便  
宜。鬼神將矚之。近身遠兒孫。後悔將安追。我勸



富貴人更須學喫虧。

尋方便在濟貧。

饑寒良可憫。解推莫厭頻。

尋方便在敬老。

光景逼桑榆。居食須安飽。

尋方便在解紛。

羣小喜相攆。和調仗端人。

尋方便在申枉。

鑒彼覆盆冤。周旋脫羅網。

尋方便在憐才。

美哉後來雋。勿惜齒牙推。

尋方便在矜愚。

昏柔莫輕侮。啓翼須勤渠。

尋方便在恤孤。

伶仃悵無依。顛危亟相扶。



尋方便。在撫下。

僕役皆人子。百事從寬大。

尋方便。在掩骸。

白骨雖已朽。游魂實堪哀。

尋方便。在除惡。

寧獨忍斯人。惡誅良民樂。

人皆有善根。疇無方便心。及遇方便事。往往多

逡巡。世人重名利。但知便自己。方便易惹非。方

便滋多費。人情本難副。求望恐無已。具足方便

心。行者能有幾。願人逐處尋。行之天人忻。一國

稱善士。一鄉稱良民。但能積陰德。遠勝遺黃金。



命薄行方便。可以免灾迍。命好行方便。福祿當  
駢臻。方便便他人。亦以便自身。真心崇實德。綿  
遠便兒孫。方便有次第。施之自親始。三黨及執  
友。戚識并隣里。儘吾力所及。勤行日亶亶。若有  
大願力。直須遍寰宇。所望富貴人。大開方便門。  
當面莫錯過。當權好修行。

張水部公決不十警

無受人進獻。侈畎宮而詭縣官名田。一  
無令吾



門有怒馬鮮衣。憑廝養爲穴窟。二無以衣冠通

郡邑。自潤而人畏苦。三無令隸也橫於市。而奸

賈豎之什一。四無徵厚利。無剝佃戶。五無念舊

仇。以傷容德。六謹尺一。慎姓名。無喪節而承羞。

七無逋稅課。以勞里甲。八無忤於善良。而悞於

惡德。無尊重富厚。而侮辱困窮。九燕享有常。豆

觴有數。無恣殺而損慈。十

張贈公郤金堂四箴



士大夫當爲子孫造福。不當爲子孫求福。謹家  
規。崇儉朴。訓耕讀。積陰德。此造福也。廣田宅。結  
姻援。爭什一。鬻功名。此求福也。造福者澹而長。  
求福者濃而短。

士大夫當爲此生惜名。不當爲此生市名。敦詩  
書。尚氣節。慎取與。謹威儀。此惜名也。競標榜。邀  
津貴。驚矯激。習模稜。此市名也。惜名者靜而休。  
市名者躁而拙。



士大夫當爲一家用財。不當爲一家傷財。濟宗  
黨廣東修。救荒儉助義舉。此用財也。靡宮苑。教  
歌舞。奢燕會。聚寶玩。此傷財也。用財者損而盈。  
傷財者滿而訕。

士大夫當爲天下養身。不當爲天下惜身。省嗜  
欲。減思慮。戒忿怒。節飲食。此養身也。規利害。避  
勞怨。營窟宅。守妻子。此惜身也。養身者嗇而大。  
惜身者羶而細。



心相三十六善

焚香讀書

有剛有柔

慕善近君子

安分

知命

不近小人

委曲行陰德方便事

能

治家不頻厭人乞覓

改過不逐淫貪殺

聞

事不驚張

與人期不失信

不改行易操

夜卧不便睡着

馬上去不回頭

無作好作

惡

不譚亂

不譚閨閫事

作事周匝

不

忘人恩

有大量

揚善掩惡

急難中濟人



寬慰人 不助強欺弱 不忘故舊 爲事

與衆用之 知人詐僞含容之 得人物每事

慚愧 語有序 當人語次不先起 喜言善

事 不嫌惡衣食 不面訐人 省約惜福

知人饑渴勞苦 不念舊惡 常思退步結果

宅相三十六善

居家尚禮義 子孫耕讀 儉勤 無峻宇雕

墻 六婆不入門 無俊僕 每聞紡織 能



睦隣族 早完官稅 庭除洒掃 門外多土  
君子 閨門嚴肅 尊師重醫 宴客有節  
無長夜之飲 不延妓女至家 不敢暴殄天  
物 居喪循禮 交易分明 女人不登山入  
廟 祭祀必恭必敬 切者舉動稟命于家長  
故舊窮親在座 閨人謙婉 家童無鮮衣  
惡習 不喜爭訟 不信禱賽 不聽婦人言  
寢興以時 不聞嬉笑罵詈 婚姻不慕勢



田宇不求方圓 主人有先幾遠慮 務元氣

座右多格言莊語 能忍常畏清議畏法度

畏陰騰



穀詒彙卷之七

滇南塗時相著

後學陶珙重訂

仕學膚言

立志

人之有志如舟之有舵也如弩之有機也如軍  
之有主帥也故三軍之師必紀律嚴而後師旅  
克振萬斛之舟必把舵定而後利涉大川千鈞



之弩必持機審而後舍矢如破人而不知所以  
立志恐存主一隙百事委靡終身趨向悉邪矣  
可乎哉夫士誦法孔孟者也孔子繇十五以至  
七十從心不踰矩莫非志學之功而孟子論士  
之事必曰尚志焉其所重可知矣且記稱男子  
生而懸弧矢以射天地四方以志其所事是古  
人以志爲訓蓋自赤子初下地時固已明示其  
標而預爲期待所以教立化行志士後先而德



業輝映也奈何風會日流習俗易染毋論無志者自甘暴棄陷溺荒淫有莘進取卽所謂度越之士亦不過刻勵詞章奮庸科第便自以爲得志行道可與榮肥矣而立志之學則槩乎未之有聞噫吾人一身宇宙內事皆其分內任何重也苟不先立乎其大以爲擔當負荷之基日沉酣於勢利之場隨時俯仰是亦尋常庸衆人耳豈所語於士之有志者耶吾聞其語矣志於道



德者功名不足以累其心志於功名者富貴不  
足以累其心此知道之言也但今道德寥寥矣  
其所謂功名乃古之所謂富貴達者猶然非之  
何也爲其假建樹以博名高借勲庸以冒厚利  
所求純誠則未也夫功名且然况下而富貴者  
乎是以要在辨義利於下學之初決從違於立  
志之始聖賢德業分所當爲每兼思齊以爲念  
天地萬物本吾一體務俱立達以爲心動關名



節綱常不狃於見小欲速慮周天下萬物不徇  
於一身一家蓋大著眼孔勁著脊梁咬定牙關  
立定脚跟誠有可常可變可貧可賤可生可死  
此志毅然常伸一切紛華利害俱不足以奪其  
守而動其中者夫士能立志如此則操持堅定  
舉動自是高明建立自然超卓正所謂振古豪  
傑雖無文王猶興者也嗟嗟大丈夫不當如此  
哉常因是有感於王沂公平生之志不在溫飽



正色立朝爲朱名臣范文正公自倣秀才時便  
以天下爲已任先憂後樂四字終身所志在此  
確乎其不可移之二公者蓋士林赤幟也有志  
者取法於斯則庶乎其可矣

### 實學

國家以文章取士士之致身青雲者不能外舉  
業而他途以進故幼則誦習詩書長而講求文  
義所爲研精殫思窮日夜之力指望學通六籍



文貫三場足以中試官而取科第卽吾事畢矣  
第不知古聖賢立言垂訓豈徒在區區文藝間  
字字句句固吾人終身受用處不可須臾離者  
乃學者徒取爲青紫之資竟未得於體驗之實  
把學與仕分作兩件看了所以纔一得志便會  
遺忘日以紛華肥潤相徵逐及出而做官見識  
不定凡百操存舉動直爲營殖身家計耳上而  
朝廷德意豈惟不能善推且大戾也下而民間



疾苦豈惟不加體恤且益厲也一時俗人耳目  
却又計貲貨之盈虛評宦跡之能否卽賢者墮  
落於中而不自覺者有之夫聖賢之學語稱爲  
天地立心爲民生立命爲萬世開太平者皆實  
學也今若此所貴於學術者安在耶古人讀書  
不識字之誚蓋亦有感而云然也夫所謂實學  
豈外于六經語孟而別有一家語乎抑豈如近  
世假名道學聚訟媒利者乎不過卽其語言文



字之間反求於身心性命之際本其躬行心得  
之實推行於當官蒞事之餘一一準則聖經仰  
遵賢傳如是而已矣今其書固在也姑舉一二  
言之如賢賢易色章所謂學者事也必反而觀  
之我之好德果能如好好色否今日事親其生  
養死葬如何方爲竭力他日事君其當官任事  
何如方爲致身至于與朋友交其責善通財如  
何始能全得信義以此四件時常都從自家身



子上理會過一番不徒口中念過又如伊伊耕  
莘章此聖人出處之大節也必仰而思之我今  
未嘗不誦詩讀書其於非義非道一介取與處  
能如是見之明守之定乎將來求科應舉其於  
致君堯舜澤民唐虞處能如是養之豫而見之  
行乎這兩個大關鍵俱打透得過來亦不徒在  
筆頭上弄口吻說虛話其他章句無一不以是  
觸類旁通務使我他日得時行道其言行政事



俱是今日窮居時涵養出來的決不少變此便是真實道學而天下國家方於我有利賴耳然全在做秀才時自己立定腳根又得賢良師友相與辨別義利之關頭看破世俗之情弊洞徹性命之本始庶可望其窮達一致始終不渝也不然平日不曾打點下恐一舉足動念便差雖悔莫及甚則利欲之私日沒日深畢竟無一時出頭日子所謂終迷不復者良可哀哉噫士之



有實心務實學期與聖賢爲徒者當辨之早

### 存心

孟子曰君子之所以異於人者以其存心也心之時義大矣顧人同此心而心同此理何獨有人焉而異之母亦以其心雖同於人而念慮操存之間有不同者在耳噫此正理欲善利之間爲聖狂舜蹠之分路處所謂差之毫釐謬之于里有不容不早辨者也蓋人得天地之心以爲



心方其爲赤子時一點靈明渾然天理何常有  
所謂人欲之私及至孩提知識日開慾竇漸啓  
成童舞象出就傳師雖所習者義理經書然皆  
求工於舉業文字以爲富貴階梯並不體認於  
身心性情以務躬行實踐是初學入門其心蓋  
已馳騖於利矣故出而應舉服官看見人情世  
態伸眉轉眼盡是機關塞臆填胸無非慾海見  
利則趨遇名思逐或小事偶值而嫉忌潛生或



窄路相逢而傾險叵測甚至欺公枉上全不顧  
國家之治亂安危利已損人竟不恤百姓之饑  
寒困苦諸如此類其爲心術種種壞矣夫心術  
如此人品可知顧人生兩間至尊至貴爲其道  
德有諸身耳乃存主卑卑一至於此正仲尼所  
謂鄙夫之徒無所不至孟氏所謂旦晝牾亡違  
禽獸不遠者也况良心喪盡到頭來僅博換得  
一個微利虛名致其身於下流夫何益之有哉



所貴有道君子要在致謹獨知之地勤耕方寸  
之田光明正大可以對天地質鬼神惻隱慈仁  
常思拯貧窮而報明主斷不敢謂暗地可欺用  
計中傷善類亦不敢謂下民易虐乘機剝削脂  
膏必不得已寧人負我毋我負人退一步行饒  
人一着夫人能存此心如此則舉天地間人物  
無一不關係在他心上其所利賴於世道主靈  
者諒不細矣噫天地之心人人皆有胡不痛加



猛省思所以善事其心哉

養性

凡民之生厥有恒性是性也存之爲四德發之  
爲七情本自中正和平原無偏倚駁襍惟稟賦  
未必皆純習尚或乖其正於是有徂於血氣之  
私而德性用事之人殆百中無一二矣此固氣  
質使然亦由平日涵養之功有未至也豈知性  
之在人感觸於事物者雖甚微關係於身心者



不急之務求其銳意舉行者能幾人哉第不思  
人生本乎祖猶如水木本源安忍忘而不祀况  
廣置家貲在子孫未必能守後人餘慶皆祖宗  
積善所遺如之何重彼而忽此也是以仁人孝  
子之心事念祖宗功德之大隨分盡禮竭力捐  
貲首建祠宇一區次置祭田百畝棲神於寢而  
邊豆饔爵之必飾事亡如存而春秋祭祀之必  
虔仍於悽愴怵惕之辰兼致敦睦親愛之意燕



集尊卑長幼恩誼篤而倫序明凡遇喪葬婚姻  
周不足而助不給明立祖宗家法永爲後代家  
規此幽以報先德明以裕後昆上可廣孝思下  
可維風俗士君子齊家治國此非所當急務者  
乎我觀古人如范文正公義田活族論者至今  
高之然公之言曰祖宗積德百餘年一旦始發  
於吾得至大官若獨享富貴而不恤宗族今日  
何顏入家廟異日何以見祖宗於地下耶是公



蓋本純孝以行義于無窮者也噫范何人哉希  
之則是彼得爲而不爲者真文正之罪人也

培德

每見尋常百姓人家生出聰明俊秀之子少年  
穎悟能文登科及第不踰時驟列青紫薦致通  
顯時人莫不榮之夫以薄海而內卒老諸生曾  
不得沾一命者何限而彼固榮遇若此豈誠高  
才絕學盡出人上哉良由祖宗以來起家淳厚



世積陰功暗中有感格神明處天固篤生賢才  
光耀門戶藉以彰爲善之報耳則爲之子者仰  
思發源之自可無培養之功必也躬行孝弟篤  
我宗親廣布仁恩施於有衆至於處事接物務  
在和平立已待人常存謙謹且敦崇朴素雅尚  
清修並不敢有一毫挾貴恃才矜已凌人之意  
兢兢然惟恐富貴場中一或不檢以致驕侈淫  
縱有失祖宗渾厚之風夫斯人也存心制行益



主庶幾根本益培枝葉益茂所以貽厥孫謀彌  
昌彌熾者端在于此是固爲人後者世德作求  
之孝也苟不知培養而鄙其先人曰田舍翁何  
以有此日從事於刻薄恣橫冥然罔念則祖上  
相傳以來一段善根方纔條達却被這一個人  
盡行斲斷了恐天厭人惡立見敗亡譬則世家  
喬木一旦後人不惜掘地戕根剪伐殆盡欲其  
永有芘蔭也得乎故白屋公卿匪一朝夕朱門



餓莩靡起須臾殷鑒蓋不遠也噫在天荒崛起  
之家培植之功且不可少彼簪纓閥閱奕葉雲  
仍者其爲子若孫世受國恩襲承祖德至深且  
久所宜增高而益厚者又當何如耶是可以深  
長思矣

約已

今韋布之士少遊黌序勵志藝鹽期圖進取未  
嘗不斌斌稱良士也及名登天府身入仕途便



出悅紛華志惟溫飽駸駸乎日溺於淫靡而不  
自知弟不思朝廷作養多年一旦賓興榮以重  
祿豈徒使之恣肆民上肥潤身家已哉乃發軔  
之初未聞克修厥職少裨於國計民生徒使華  
美豐餘侈然受用其負所學負朝廷莫大乎是  
蚤夜深省能不愧心且無功過享幽憲難逃尤  
有所不知終者在乎故欲思恩補過惟有約已  
禋身辭受取子之際一介甚于千駟暮夜獨凜



四知服食起居之間魚肉不取充庖裘葛惟求  
適已一切習俗之易移常情之所好者屹然不  
以從其好而同其流自然不厚費者不多營不  
妄用者不過取推而施之蒞政臨民件件仁慈  
體恤在在節愛安詳庶於國家設官分職惠養  
小民之政稍稍仰副得一二分是卽爲人臣者  
潔身報主之忠也夫一命而上祿入有常優游  
歲月何曾幹得件大事出來且卽宦中境界則



愚書生家食時何啻天壤乃頓亡昔日寒酸  
極眼前富貴是天地間一大蠹也將焉用之噫  
成周六善以廉爲首當官三事厥重惟清所願  
有位君子一加意焉可也

行仁

世人一膜之外遂成秦越殘忍刻薄任意所爲  
甚則輕民命如草菅視物命如弁髦間有語及  
施濟言戒殺生者人皆譏訐而竊笑之不以爲



好名則以爲迂濶噫是皆隔於有我形骸溺于  
眼前光景所謂天地萬物一體之意則茫乎未  
之知耳蓋乾坤一大父母民物並生育於其中  
故瘵寡孤獨疲癯殘疾皆吾兄弟之顛連無告  
禽獸魚鱉草木昆蟲莫非衆生之蠢動含靈書  
稱惟天陰隲上帝好生皆是心也吾人之得是  
心以爲心者可置民物於度外而不加之意與  
所貴仁人君子要在反觀而自得吾不忍之具



心隨處而推廣吾此心之生理保小民如赤子  
視疾苦若癩癰愛養撫恤無所不至哀憐救拔  
靡所不周斷不忍爲自己功名富貴破害他人  
之性命身家亦不敢逞一時之忿怒偏私傷殘  
百姓之肢體骨肉推而至于有生之類常存節  
愛之仁滋味可悅何敢以口腹而輕易殺生物  
命攸關勿謂其無知而肆行暴殄凡可曲盡陰  
功務要廣行方便在幽微而必察卽小物而不



遺惟其本心同欲使萬物之得所豈謂求人之  
我知耶噫救荒平糴富鄭公黃承事致高位而  
感真君還帶恤貧裴晉公竇燕山貴三公而榮  
五子下逮渡蟻放雀種種爲善不同其陰隲固  
無量也善乎明道先生曰一命之士苟存心於  
愛物于人必有所濟觀者慎勿曰此有意爲善  
或以善小而不爲哉

遺清



余自有知以來習見民間以殷實稱者或畝畝起家或經營置業大者千金小者三五百金之產止矣然歷祖孫相繼數世自非大故獨守成業而保舊家惟吾做秀才人甕牖繩樞鶉衣藿食甚而貧無立錫朝不保夕者有之其始抑何窮也一旦發跡草茅策名宦籍乃不數年而田連阡陌屋接雲霄囊橐充盈服食侈靡下觀彼富家百姓不過一田舍翁耳卽彼輩扳援附托



亦從而敬事趨承不敢與較貨財而爭尺寸據  
其揚揚閭里間豈不稱雄傑耶然而氣焰方張  
禍機潛伏豐亨未久災眚相尋居無何而泰山  
頽矣妖孽作矣家產蕩然一空且轉而屬之他  
人矣尸肉未寒衣冠零替墓木未拱子姓彫殘  
往往見笑於田舍翁至謂做官人家候興候敗  
如湯澆雪火燎毛若是者豈天之厚彼富人而  
薄我善類者哉蓋彼耕耘市藝者流其智營巧



取未必爲富皆仁但其父子家人晝出夜作備  
歷艱辛尺布斗粟皆從勤苦儉嗇中得來惟其  
得之艱故其失之亦不易此天道也亦理數也  
若吾輩經生一鳴驚人志得意滿儼然民上酷  
以濟貪則今日之卒然享有多資皆小民之身  
家性命神鬼有知豈肯使人間作孽之錢令有  
賢子若孫長久受用者哉宜其不旋踵而立見  
衰落矣昔唐杜黃裳爲尉時偶一宦家之子被



鄉里惡少引誘相傾長官思有以懲之公乃言  
曰凡居官廉雖大臣無厚蓄如其不然必剝民  
以致之若復子孫善守是天富不道之家矣不  
若縱之使敗夫黃裳公達者其言如此爲官可  
不寒心易慮清白持身非義之財毫不苟取留  
諸有餘不盡以遺後之人庶不致重爲鄉人所  
竊笑不亦善乎

當官



今天下承平且久災異頻仍海內民不聊生日  
甚一日矣說者每病于蒞治之未興此誠知言  
也顧監司守令相臨相與夙稱一路福星故一  
舉措興除動係生民休戚而人心世道之正邪  
隆替往往因之固不可置而不講然其中有虛  
文卒不可挽習俗牢不可破積弊頓不可除機  
關深不可測古道竟不可行者夫惟有此五者  
日拘攣掣肘於上下之間所以時官俗吏未免



隨世以就功名乘機以肆漁獵而志士仁人鮮  
有能自振者矣請更僕言之蓋上官爲百司綱  
紀惟所令如其所好斯可以立標準而一遵從  
夫何章程禁諭三令五申外若示人以簡約森  
嚴凜不可犯者稽其實殊大謬不然乃心之所  
愛憎一視覬遺之豐嗇奔走之勤惰以爲清白  
眼彼善宦者竊窺其微思所以得歡心而保名  
譽孰不陰爲阿奉剝削承也其掛之紙上僅空



言耳滔滔天下皆是也誰爲中流之砥柱耶

弊

一 張官置吏本以爲民民之所重在養與教今則簿書叢集訟獄繁興歲一考成季一比較上之所以課殿最下之所以程功能者惟此足矣外此而田里桑麻社倉學較皆司牧之所有事然地置充繁者日不暇及甘心怠棄者視爲虛文一任其荒蕪傾頽付之罔覺求其憫念民生先正務者誰與故一遇凶年公私告匱人才風



俗不逮先民遠矣

弊二

宦於斯土一切公費豈

能不取之民顧常祿而外有中正之則在也年來里甲條編橫征有禁長民者若羈驂騶而縛之足乃巧取羨金濫科紙贖藉以潤囊橐而充餽遺凡此無非爲自己富貴功名計耳夫宿弊不除是以衙門積蠹因緣爲奸百姓膏脂暗扣盡也

弊三

中丞部使日計羣吏治狀達之銓司

以憑黜陟蓋知人安民意也然自監司守令下



至委吏抱關其間賢不肖常居半矣故大吏卽  
巨慝優容置之不問所爲掇拾僅么麼之曲細  
耳中亦豈無質朴少文筮仕未諳者乎必預爲  
提撕引救俟其不悛而後去之未晚也乃日惟  
伺察隱過而暗地中傷恐非罔則刻矣甚至假  
私意以作雌黃聽讒言而爲好醜以至實心愛  
民者反懷讒畏譏而曾不一展逢迎貪酷者竟  
違道干譽而冒列清華機關叵測極矣

弊四古



之爲吏者約已裕民誠心直道所以昭儉德而  
示和衷晚近頽風日趨浮靡一交際也而取盈  
數千百金猶復玄黃充滿一晏會也而動費中  
家之產更作水陸奇珍至於語言詢及閭閻則  
見以爲迂濶僚友少規過失則疑以爲排擠蓋  
繁縟日熾而實意寢微令人一入其中有混同  
而不敢爲異諛侯而不敢忠告習尚如此人李  
之何不窮且盜而人心魑魅將何底止耶



夫吏弊多端大弊有此五者若夫表正倡率着  
地挽回惟在廉能撫按監司倡率郡守長吏仰  
思朝廷付託之重俯察斯民艱苦之情美意相  
承流通貫徹如好尚直從簡質逢迎者必懲政  
事首先爲民垂張者不錄弊竇果能痛洗貪婪  
者不容以辨賢否則嘉善而矜不能以處同官  
則省彌又而傾肺腑信能行此五者將風行草  
偃人人莫不向道回心矣苟其心不實其身不



正而徒欲以法令繩下苛責於位卑祿薄之夫  
無惑乎文移申飭如山竟無裨于民瘼絲粟也  
噫古人有言本原之地在朝廷耳所望廟堂之  
上持廉秉正部司臺諫公論不私且又重素絲  
之風表清白之吏庶幾由內及外速于置郵天  
意可回民生有賴太平可俟矣

涉世

人之處世如涉水然世態人情風波叵測一有



未善沒溺隨之則涉者難矣顧長江巨浸不以  
沒溺而廢桴筏之具洪濤怒浪必資舟楫而收  
利涉之功所謂涉世者惟在躬自厚而薄責於  
人審義命而安於所遇斯與世宜之而難者易  
矣所稱最親最戚孰有如家庭父子夫婦兄弟  
間者乎然而猜忌開離間之門嫌疑起傷殘之  
禍者往往有之在天親骨肉尚虞相賊相戕而  
仁人孝子所爲扼腕撫膺仰天長嘆况乎四海



九州之人偶爾相臨相與摩肩接踵馳驅於勢利之場絜短論長角競於參商之地豈不誠難哉况自長厚之風旣遠機械之習滋多故有自

逞胸臆而大肆憑陵包藏禍心而暗行傾害一

出言也口蜜腹劍鋒不可當一轉盼也笑裏藏

刀深不可測凡此種種情狀真有鬼蜮不足以

喻其神江湖不足以比其險者彼貞純朴實之

士不能隨事豫防安得不罹其災而遭其毒耶



第在人雖不可知在我所當自盡尤人適足取  
累反已乃以全身所貴達者本誠心以行直道  
執一實以御百虛恭敬無失在在飲人以和強  
恕而行人人推心置腹寧忍耐而毋剛復寧鎮  
默而毋多言寧收斂而毋表暴此則和悅以攝  
剛強忠信以爲舟楫將化陷穽爲坦途易畏途  
爲平地所謂四海之內皆兄弟矣尚何風波之  
患乎噫傾蓋片語歡如平生白首如新相知按



劍自古遇合之難而全交不易從來舊矣君子  
盡其在我而委順天緣固涉世之道當如是耳  
然天下儘有好人遭際原非偶爾苟不知立誠  
盡禮輒自處淺薄每事責望於人頓生疑忌是  
招之也又何尤焉獨惜夫爲半世功名壞盡一  
生心術是則惑之甚者顧不思天道昭昭出爾  
反爾耶

維風



昔人有言眉州出三蘇草木盡皆枯蓋謂山川  
秀氣被蘇家占奪得多了故時歲少歉耳夫天  
生賢才旣關地方氣運之盛衰則一方風氣須  
得賢才以維持表正之斯可保其隆而勿替也  
奈何君子之居是邦者幼習舉子旣不知名節  
道義爲何物旣而榮遇又惟知聲勢氣焰之可  
憑衣馬輕肥誇耀閭里子姓驕縱凌駕鄉鄰且  
吞謀侵奪不恤月旦之譏評隱忍貪殘卒致風



俗之大壞夫士有聲庠序發跡賢科一鄉之人  
喜而榮之不啻若自己出爲于地方增光且有  
以庇護我也今不惟不庇而反爲害多端是使  
鄉人失望而地方重累多矣况稠人廣衆我獨  
鍾秀得爲縉紳旣富且貴天之所以厚我亦至  
矣顧不思仰體天心推廣仁愛仍復大違衆志  
倚勢恣橫將何以善其后乎嘗聞高明之家鬼  
瞰其室名族之後類多衰微莫非在已有以致



之也反而思之孰若行已謙和立心平等推而  
餘而周施故舊薄自奉而拯救貧窮事之有益  
於鄉黨者盡心力以扶持禮之有益於綱常者  
先家邦而倡率不見小利而潰禮義之大防不  
徇私情有傷人心之公道至於置立田廬經營  
產業寧人侵我毋我侵人且教誡子弟約束家  
僮耕則讓畔行則讓路務使雅厚之風足以追  
先民之程範而立後進之楷模則語稱鄉先生



生可以飲於鄉死可以祭於社者正斯人也母  
論德厚者流光而山川靈秀無忝所生矣不然  
物產于土者貽害於民且謂之不祥之物人之  
生斯土者爲害反倍於物非不祥人乎有道者  
思之

息訟

三代而下民刳于今情僞日滋人心險健而訟  
獄之繁有不可計矣中間巨奸大惡稱亂逆倫



此罪惡貫盈常赦之所不宥然亦有顯罹重辟而禍起于微者如片言觸忤逞兇毆殺平人小物交爭乘忿殺傷善類或圖財好色而輒起貪淫或被酒恃氣而好勇鬪狠凡此愛惡相攻情僞相取皆由一時一念之差一朝一夕之故此所以致此極也但彼身陷於罪拘攣待斃豈無悔悟之良其如王法森嚴卽欲求生而不可得何夫禍福無門惟人所召自今觀之人生在世



白駒過隙耳與其好剛以取禍孰若善柔以全  
生蚤知天憲之難逃悔不當初之忍耐安常守  
分財色之非已者勿求易氣平心橫逆之外來  
者固較重念身家性命常存退讓溫良卽有不  
如意寧唾面而自乾毋反唇而啓釁自然爭訟  
不起和氣致祥人已皆安室家胥慶熙熙然爲  
聖世一善良百姓豈非無窮樂哉彼不知反已  
自修而諉于劫數之不可逃者惑之甚也願人



以此轉相勸諭一家而交相愛敬一里而共事  
和平自非萬分寬抑重情斷不擅興詞狀庶幾  
渾厚成風永享太平之福矣噫小民無知且欲  
使之無訟彼爲民上而不思端本澄源偏聽開  
告訐之門受賂重善良之禍者吾誠不知其人  
也

仕學膚言終

有一孟浪之夫寡聞鮮識初入仕途悵悵乎如



無燭夜行罔有攸當逡巡歲久意念翻然乃于  
休沐之暇謾書十三章曰仕學庸言若有取於  
仕優則學之旨耳其義濶畧迂疎其言則俚知  
我罪我惟有達觀者在

夢覺居士識



